

蔣致遠主編
中國民俗叢書

中國方言語彙全集

宗青圖書公司印行

I171
J608

土
風
錄

土風錄卷八

太倉顧張思雪亭編

前程

生監以上通呼曰前程按輟耕錄載院本名目有問前程當取馮道詩不用問前程語孟襄陽詩訪人畱後信策蹇赴前程杜詩容易卽前程蓋本爲路程借爲人身階銜也

履歷

出身三代曰履歷按魏書源子恭傳表云據
其履歷清華封演聞見記百司諸廳皆有壁
記原其作意蓋欲著前政履歷云云李虞仲
授王承休刺史制循其履歷頗謂優深宋史
尤屢見王彥超傳武行德等自陳夙昔戰功及履歷艱苦雷德驤傳太宗令錄京
朝官履歷功過之狀以便引對盧知遠傳爲吏部尚書以官秩次第履歷爲一書石豫傳
左肅爲御史履歷與豫略同蓋爲踐履閱歷之意後遂沿
爲三代名色之傳

官銜

官職名曰官銜按封氏聞見記云新舊職名相銜不斷如人口銜物如馬有銜故云又孔平仲談苑云當時選曹補授須存資歷開奏之時先具舊官名品于前次書擬官于後新舊相銜不斷故曰官銜亦曰頭銜今俗以捐納職名曰職銜非矣 又王漁洋池北偶談引家語禮運篇官有銜職有序注銜治也執

轡篇云古之銜天下者以六官總治焉故曰
銜四馬者執六轡銜天下者正六官以爲官
銜之義本此

出身

旣貴推其起初曰出身見魏書食貨志白民
輸五百石聽依第出身庾子山司馬裔碑出
身司徒府參軍又蕭公墓誌公子出身非卽
官而同品唐司業李元瓘上言明經所習務

在出身王保定唐撫言進士殿試二甲曰賜
進士出身三甲曰賜同進士出身
一甲曰賜及第宋制
五甲曰同進士出身
四甲曰並進士出身

白身人

無前程者曰白身人案徐凝辭韓侍郎詩欲
別朱門淚先盡白頭游子白身歸宋婁機謂
堂吏曰進士非通籍不及親汝輩乃以白身
得之蓋古者庶人通服白衣史儒林傳公孫

宏以春秋白衣爲三公後漢孔融傳與白衣

襴衡跌宕放言宋書陸澄傳坐免官白衣領

職今俗亦謂之白衣人管子白徒三十人奉

車兩魏收食貨志白民輸粟五百石羊叔子

與弟書云以白士而受重位隋樂平公主曰

李敏一白丁耳

劉夢得陋室銘往來無白丁用此

卽白身人

之意

古庶人在官者亦服白衣蘇伯玉妻詩吏人婦會夫稀出門望見白衣謂當是

而更非陶靖節望見白衣送酒之

白衣亦是故婁機謂堂吏爲白衣

鄉親

同鄉人曰鄉親見晉書陶潛傳有鄉親張野
太白門有車馬客行乃是故鄉親

俗物

呵籬鄙者曰俗物見晉書王戎傳爲竹林遊
戎後至阮籍曰俗物已復來敗人意老杜漫
成詩眼前無俗物多病也身輕崔宗之贈李
十二詩換囊無俗物東坡攜妓樂游張山人

園詩故將俗物惱幽人

惡少

無賴子弟曰惡少見荀子無廉恥而耆乎飲
食可謂惡少者也漢書昭帝紀發惡少年戍
遼東又尹賞傳舉雜長安中輕薄少年惡子
南史陳方泰與諸惡少年羣聚杜詩寄語舟
航惡年少又
姦雄惡少皆封侯韓
詩隔牆惡少惡難似

雜種

晉人曰雜種見後漢西羌傳滇零等集會附
落及諸雜種又晉書前燕載記贊蠡茲雜種
奕世彌昌邱遲與陳伯之書姬漢舊邦無取
雜種庾肩吾亂後經吳御亭詩雜種亂轅轅
杜詩雜種雖高壘後漢任延傳曰今將雜種胡騎
休屠黃石屯據要害種號也
賤丈夫曰漢子見北齊書魏愷固辭青州刺
史文宣怒曰何物漢子與官不就此與師古

漢子 好漢

西域傳注匈奴謂中國爲秦人者習故言也

同意

輟耕錄今人謂賤丈夫爲漢子

詢芻錄云漢自武帝

伐匈奴二十餘年聞漢兵莫不畏者僞爲好

漢後遂爲男子之僞舊唐書狄仁傑傳武后

謂曰朕要一好漢任使有乎

東坡餞顧子敦詩人閒一好漢

誰似張長史慕容垂歌我身自分當枉殺牆外漢漢卽漢子也

飯頭

管廚房者曰飯頭見范石湖詩孤雲野鶴本

無求剛被差充粥飯頭

管家

傅人奴僕曰管家見明史嚴嵩傳時傅文選
郎中萬霖職方郎中方祥爲文武管家

家屬

官府前呼奴僕曰家屬按李心傳朝野僞記
岳少保案行遣省劄有小帖子云看詳岳飛
張憲所犯情重逐人家業并家屬合取自朝

廷指揮施行又一條云北兵退獨陳魯公與黃通老家屬在城中是家屬猶云家眷眷屬也漢陳湯傳願與妻于家屬徙初陵後漢竇武傳徙武家屬日用此家屬二字之始

奴才

罵僕人曰奴才案水經注李特至劍門歎曰劉氏有如此地而面縛于人豈不奴才也晉書劉元海載記曰穎成都王名不用吾言遂自奔潰真奴才也本概言之今遂爲奴隸之偁郭

子儀傳責其子云子儀諸子皆奴材也

鼻頭

詆僕隸曰鼻頭

鼻諺作別音

余氏辨林以爲當是

胡語契丹罵漢兒作十里鼻猶言奴僕也或

云粧門面或云豬鼻善掘地取生事之義皆

臆說案復社紀略張南郭

采

以八字頭像人

鼻孔惡之是時奴僕橫行人以爲反在主上

吳中讀嘴如主音因借鼻以號奴故惡之云

云然則鼻頭之說自是吾俗方言非匈奴十里鼻之謂

王八

罵人曰王八案五代史記王建少無賴爲盜里人謂之賊王八以其行八也俗又轉爲王霸以爲烏龜之別名誤矣 一云王爲忘之譌言其孝弟忠信禮義廉恥八者俱忘也或云黃巢兄弟八人皆無行販私鹽爲生故詈

人曰黃八音轉爲霸

強盜

盜曰強盜見後漢陳忠傳穿窬不禁必爲強盜宋書羊元保傳有占山護澤彊盜律之文

衆生

衆音終

罽人曰衆生按地藏菩薩本願經爲是罪苦六道衆生廣設方便又度脫如是等難化剛強罪苦衆生金剛經云無人相無衆生相是